

وارلیق

VARLIQ

Dil Edebiyat ve Kültür Arařtırmaları Dergisi

İkinci Dönem. Sayı: 19(1), 2020, ss. 5-6

Telif Haqqı@Varlıq Dergisi

سونوش

• محمدرضا هیئت

دگرلی اوخویوجولار،

وارلیق درگیسی نین اکینجی دؤنمی نین ۱۹-جو سایسینی سونماقدان موتلولوق دویوروق.

درگیمیزین بو سایسی، آذربایجانین تانینمیش موسیقی و صنعت آدامی، میلی روحلو شخصیت رحمتلیک حسن دمیرچی نین اولومو مناسبتی ایله یازلمیش اولان بیر مقاله ایله باشلار. مقاله نین یازاری علی شامیل، «آذربایجان» لقبی ایله ده تانینان حسن دمیرچی نین حیاتی، فعالیتلری، شخص کاراکترلری و میلی مسئلهیه باخیشی ایله ایلگیلی بیلگی وئرمکله یاناشی، اونونلا اولان بعضی خاطریره لرینه ده یازیسیندا یئر وئرمیشدیر. بو مناسبتله ده درگیمیزین بو سایسی نین قاپاق رسمی، حسن دمیرچی یه آیریلیمیشدیر.

جلیل یعقوبزاده «دوکتور جواد هیئت و دوکتور م.ت. زهتابی نین آذربایجان اتنوگنئزینه ایلیشکین گؤؤشلری» باشلیقلى مقاله سینده، آذربایجان اهالیسی نین اتنیک کؤکنی اوزرینه ایندییه قدر یاپیلیمیش اولان آراشدیرمالاردان یولا چیخاراق، بو مسئله ایله باغلی چئشیدلی گؤروش و یاخلاشیملاری بلیرتدیکدن سونرا، ایرانین رسمی تاریخ تئزی و اونا قارشی دوکتور هیئت و دوکتور زهتابی نین اورتایا آتدیقلاری پارادیگمالاری و بو پارادیگمالارین چیخیش نقطه لرینی و ائتکیلرینی آچیقلا.

آذربایجان علملر آکادمیسی اوزمانی دوکتور قنداب علی یوانین یازدیغی «چاغداش گونئی آذربایجان شعرینده لیریک پسیکولوگیزم» ادلی مقاله ده، گونئی آذربایجان گنج شاعیرلری طرفیندن قلمه آلینان شعر اؤرنکلری، پسیکولوژیک آچیدان اینجه لنمیش، شاعیرین فردی

دویغولاری و پسیکولوژیک دورومونون شعره نجه یانسیدیغی، صنعتله انسان آراسیندا نجه بیر ایلیشکی قورولدوغو اله آیینمیشدیر.

ایران دا قادینلارین دورومو، توپلومداکی یئری و حاقسوزلیقلار و آیریمجیلیقلارین اورتادان قالدیریلماسی اوچون قادینلارین وئردیگی مجادله، ابراهیم رضانی نین مقاله سینده اینجه لیمیشدیر. رضانی بو یازیسیندا، اؤلکه نین دموکراتیکلشمه سی اوچون قادینلارین اؤزلیکله سیاست آلانیندا آکتیو رول آلماسی گرکدیگینی وورغولار و ایران دا قادینلارین اؤنونده کی سیاسی و توپلومسال انگللی آچیقلار.

میلاذ بالسینی مقاله سینده اردبیل اوستانینداکی کوچه داعوالاری و چاتیشمالاری نین سببیرینی بیلیمسل بیر یؤنتمله اینجه له یه رک؛ یوخسوللوعون آرتیشینی، ایش سوزلیگی و اقتصادی استقرارسوزلیغی ان اؤنملی سببیر اولاراق گؤستریر. مقاله ده، اردبیل اوستانی نین وئریلی ایران ین باشقا اوستانلاری ایله ده قارشیلادیریلیمیش و ایران ین رسمی استاتیتستیکلری اساسیندا تابلولار حاضیرلاناراق، توپلوموموزون ان اؤنملی سورونلاریندان بیرى اله آیینمیشدیر.

بو سایمیزین سون بؤلومو اولاراق دا قنداب علی یوانین آدسیز شعر باشلیقلى شعرینه یئر وئریلمیشدیر ■